



Qulliq Auladjutiqhanut Kuapuraisinga (QEC) Nunavut Kavamanut (GN) ukiuqtaqtumi kuapuraisiuyuq. Aulapkainitigut 25 nik uqhuryuanik atuqpaktut pauwaqaqviit, QEC kut inminiinnak tuniqhaivaktut pauwaqariamingnik 15,000 nguyungnaqhiyut atuyuqtut nunaptingni.

Quilliq Auladjutiqhanut Kuapuraisinga uuktuqtut nappaqtirilutik aulapkailugitlu nutaamik pauwaqarviaviqhamik Hamlangganni Uqhuqtuuq ittuq Kitikmeot Avikturvianni Nunavunmi (havaaqhaq). Uqhuqtuuq nunallaaq amigaiquummiktut ihariagiuni pauwaqhamik, ihumagitigiplugu inuriaqhilirmat. Hadja pihimayuq pauwaqarvi nappaktauhimayuq 1977 mi tikiutigiplunilu igluqpaup atugaqhaatigut. Pauwaqarviit utuqqaqpallaaraan'ngamik, ayurnarniaqtuq munaqhiyaami, pauwaqarviklu ayuqhautipkarniaqtuq. Ihuaqanggittunik atuqtaaqtunik, QEC kut akiliqtuihimmaaqtut ayurnautiqarniaqtut pauwaiqqat.

Uuktuutigiyauyuq qaffini ukiuni havaariyaqhaq ilaliutiarniaqtuq nutaamik hitamanik ingniqutiqaqluni pauwaqariami januraitaqtuutilutik pawaqaqviqhaq iliuraqtauhun'nguyuuq 3,100 kilowatts nik, piliurhimayuuq 40 ni ukiuni atugaqhaatigut pidjutiniaqtuqlu pipkainiaqtuqlu nutaani kayumiktukkuugutiqhanik nakuuhivalliayaanggini ihuaqtumik, ayurnaittumik, aulahimmaariami, aanniqtailiviqhaqmiklu. Nappaktirinirmun ilaliutiniaqtuq uqhuryuaqarvikhamik piquaqittiluni malruungnik, 90,000 liitasnik uqhuryuaqaqviinnik, pampiklugitlu uqhuryuat igluqyuaqpanut. Imaalu, QEC upalunggaighimayut nappaktiriami Quonset aqhaluutiqaqviqhanut, transformer mik tamayaqaqviqaqluni, naparialgit tutquumiviqhainnik, kinggiqtaq glycol mik qattaryuarmiklu tamayaqaqviqaqluni iqqakuuqviqhaqaqluni tuglianilu piruqviqhamik. Iniqarnia pidjutihun'nguyaata aullaqattaqtunik havakviit itiqtiqviqhainnik, tamayaqaqviqaqlutik umiat tamayaqaqviinnik, aadlamiklu piquaqlutik qilamiugutauqaqqat januraitamik. Ihuaqhaqtauyuuqhatlu pidjutihimayumut hadja aulaviqhatigut atayuqhaq nutaamut pauwaqaviannut. 50 miitasnik uqhuqyuap tuqhua piliurniaqtauyuuq atayaami Uqhuryualiqiiyitkut Uqhuqhanik Havagvianut (PPD) an'ngiumik uqhuqyuaqaqviqaqluni uataani. Tuqhuat piqangniaqtuq qaan'ngani ataanilu nunaup havaktauluni. Nutaag pauwaqaqviqhaq pidjutittaahun'nguyuuq pidjutittaariami atutqiqtaaffaaqtunik auladjutihatigut.

Uuktuqtauyuq nutaq nayuraqhaa aktilaan'nga 10, 110 kiqqariqtunik miitasnik ittumi ihiviqtauhimanggittumi, atiqanggittunilu hamalatkut nunainni haniraani Nuvu Apqutaa (Apqutaa R36) 50 miitasn'nguyungnaqhiyutlu uataani PPD uqhuqyuaqaviannit. Talvani pauwaqaviqhami piliurhimayuq Hamalatkut igluqpakyuaqviqhainnut nunait aturniangginnit. Uuktuutaa tuniyauyuq an'ngiqtaupluni Hamalatkunni Uqhuqtuumi June 1, 2021 mi. GN kut CGS Upalun'ngaiyainirmun Nunatigunlu Havagvia tunihivaktut iniqhimaluanggittumik titigauyaqhimayumik Upalunggaiyaidjutimik An'ngiqtauhimayumik Unniutimik June 18, 2021 mi.

Piqanggittuq nunami qurluarviinnik, imainnarmikluunniit 100 miitasnik havagviuviqhami. Piqanggittuq huradjaviliqidjutikkut, imarmiuniklu, avikturviuvimi kanatamiluunniit min'nguivriinnik Inuit nunagiyainnikluunniit hulaqutikpat pauwaqaviqhaannik nayugaqhaannik. In'ngilraangnitatigun aktumattaqtunik ihivriughiniaqtut July 2021 mi ihumaliuriami in'ngilraangnitani pivihaqariangginni ihuilidjutiniarman havaatimun naunaqlugitlu hanagiyaulimaittaangginni.

Havaaghaq naunaighimayug talvani Naunaitkutimi 1.



Naunaitkut 1: Havaagiyaqhaq Uqhuqtuup Pauwaqaqviqhaat

Havaaqhaq	Niriugiyauyuq Hivuniquhaa
Iniqhimakpiaqlugu Nunatigut Iniktiqlugitlu In'ngilraangnitat Aktumattaqtunik Ihivriughiniagutaata	Qiqaiyalirvia 2021 mit Qiqaiyalirvia 2022
Naunaittiaghimayuq titirauyaqhimayuq piliurnia	Qitiqqautijuq 2022 mit Qiqaiyalirvia 2023
Kaantraviliqinikkut niuvirnirmunlu	Qitiqqautijuq 2023 mit Qiqaiyalirvia 2024
Nappaktirinirmun	Qitiqqautiyuq 2024 mit Dissaippa 2025 (kitumi ukiumi)
Uuktuutiniq Havaktitaulirniq	Ubluqtuhirnirmi 2026 mit Qiqaiyalirvia 2026 mut
Pauwaqaqviqhaq tuniyauniaqtuq QEC kunni havaktiinnut	Qiqaiyalirvia/Qitiqqautiyuq 2026

21 ni havaktiqhanik naunaillakaffuktauyut piqaqtuqhanik havagviuviqhami nappaktiliqata. Aadjikkiilimaittuq nampait havaktiqhanik nappaktiliqata. Kaantraaktitauyuq ihumaliurniaqtuq kaffiuyaaqhainnik havaktiqarniaqtuqhanik tikiutiyaami iniktirutaa havaaqhami. Kaantraaktitauyuq piyuqhat tikiutilugit piqaqtuqhanik Inuit havaktiqhanik tamainni nappaktirilugumik.

QEC kunni haaktiit Uqhuqtuumi munariyaqaqtut ubluq tamaat ubluq tamaat aulaviqhaitigut pauwaqaqvianit. Ilaliutitlitlu havainnaktumik Pauwaqaqviami Atan'nguyamik, malruungnik havakaffuktunik Ikayuqtiuyunik. Havaktut hadja nuutiqhun'nguyut nutaamun pauwaqaqvianut iniktiqqat. Nutaanik havaktiqalimaittuq talvamiit haffuma havaatigut.

Amigaingniatigut nappaktirinirmun tamayait Havaaqhamut agyaqtauniaqtut umiakkut. Ilanggit tamayat naunaiqhun'nguyut talvani nunami agyaqtaulutikluunniit tingmitikkut naunaigutilugit aktilaanggit kaffiuyaaqhaitigunlu. Kantraaktitauyuq munariyaqarniaqtuq naunaiqlugit tamayanik atuqtaqhanik nappaktiliqqat. Ilaliutiniagungnaqhiyuqlu aadlamik kaantraaktitauyuqhamik nunainnagiyauyumi in'ngilragutikkut tamayanik talvunggaqtitaulutikluunniit nunallaamun umiakkut.

Una havaaqhaq niriugiyauyuq piviqhaqariami Hamalatkunnt Uqhuqtuumi atuinnaqtuuyuktumik uqhuqyuanik nautqilimaittuniklu nalvaaqtauhimayumik, ikiqliyuummirnialu puyuqmik anialailaqaataanit. Pipkainiaqtuqlu QEC kunnut nakuuhivalliaadjutiqaatigun pauwaqtautikkut nunallaami, ikayuqtauhiimmangginaklugitlu amigaingniat nunaqaqhimayut, tikiutilugulu hivuniquhaliuqtaat aanniqhimaittumik, piqainnaktittilugit pauwaqhainnik nunallaami.